



DIRULAGUNTZA-PROGRAMEI BURUZKO EBALUAKETA 2020

OSASUNA

1. Osasun-arloko ikerketa- eta garapen-proiektuetarako laguntzak 2
2. Droga-mendekotasunen prebentzio komunitarioko talde teknikoak sortzeko eta mantentzeko, adikzioen prebentzio komunitarioko programak garatzeko eta prebentziorako eta arrisku eta kalteen murrizketarako proiektuak, edo ohitura osasungarriak sustatzeko laguntzak 5
3. EAEn GIB/hiesa, C hepatitis eta sexu bidez transmititzen diren infekzioak (STI) prebenitzeko eta kontrolatzeko jarduerak egiten dituzten irabazi asmorik gabeko eta ekimen sozialeko erakundeei zuzendutako dirulaguntzak 7
4. EAE-n gaixoen kolektiboen eta haien familien bizi-kalitatea hobetzeko jarduerak egiten dituzten eta irabazi-asmorik ez duten ekimen sozialeko elkarteentzako laguntzak 9
5. Euskal Autonomia Erkidegoko toki-esparruan osasuna sustatzeko diru-laguntzak 11
6. Euskal Autonomia Erkidegoko ikasleen guraso-elkarteei, ikasle-elkarteei eta unibertsitatez kanpoko ikastetxeen titular diren irakaskuntza-kooperatibei zuzendutako laguntzak, ikasleen artean jarduera fisikoa sustatzeko ekintzak garatzekoak 13
7. 2020ko osasun-arloko profesionalak prestatzeko bekak eta laguntzak 15
8. Euskadiko osasun-sistemako langileek agindutako tratamendu medikoak betetzea errazteko 2019. eta 2020. urteetarako laguntzak 17



1.- Dirulaguntza-programaren izenburua

Osasun-arloko ikerketa- eta garapen-proiektuetarako laguntzak

2.- Araua

AGINDUA, 2020ko martxoaren 24koa, Osasuneko sailburuarena, zeinaren bidez onartzen baita osasunari buruzko ikerketa- eta garapen-proiektuetarako laguntzen 2020ko deialdia.

3.- Programaren araua, deialdia eta emate-ebazpena (EHAAri Hiperesteka)

Deialdia: EHAA, 82. zk., 2020/05/4koa

Emate-ebazpena:

1. lerroa: «Ikerketa sanitarioaren jarduera sustatzea»

EBAZPENA, 2020ko abenduaren 29koa, Osasuneko sailburuordearena (EHAA, 25. zk., 2021/02/4koa)

2. lerroa: «Osasun-arloko ikerketa-jarduera areagotzea»

EBAZPENA, 2020ko uztailaren 29koa, Osasuneko sailburuordearena (EHAA, 163. zk., 2020/08/20koa)

3. lerroa: «Osasuneko ikerketa estrategikoen sustapena»

EBAZPENA, 2020ko abuztuaren 10ekoa, Osasuneko sailburuordearena (EHAA, 166. zk., 2020/08/25ekoa)

4. lerroa: «Interes bereziko ekintza osagarriak»

EBAZPENA, 2020ko uztailaren 22koa, Osasuneko sailburuordearena (EHAA, 157. zk., 2020/08/12koa)

4.- Dirulaguntza-programaren azalpen laburra eta helburuak

Agindu honetan adierazitako jarduketan azken helburua da pertsonen osasuna eta osasun-sistemaren jarduera hobetzea, bai eta garapen sozioekonomikoari laguntzea ere, osasun-laguntza eta bizi-kalitatea hobetuko duten produktuak, zerbitzuak eta prozesuak garatuz.

2020ko deialdiak 2019ko deialdiko hiru laguntza-ildoei eusten die, osasun-sistemako ikerketa, I+Gko belaunaldi-erreleboa eta biozientziak-osasunaren arloko RIS3ren hazkundea indartzera bideratuak, baina, gainera, laguntza-ildo berri bat sartzan du (osasun-arloko ikerketa-jarduera areagotzea), I+G jardueretarako dedikazioa handitzeko eta Euskadiko osasun-sisteman ikerketa-kultura indartzeko.

5.- Lortutako emaitzak, aurrekontuaren gauzatzea eta eragina gizartean

Eskaeren guztizko kopurua (1., 2., 3. eta 4. lerroak): 143. Esleitutako proiektuen guztizko kopurua: 55

«Ikerketa sanitarioaren jarduera sustatzea» izeneko 1. lerroan:

- Baliozko eskaeren kopurua: 82.



- Esleitutako proiektuen kopurua: 19, eta laguntzen lerro honen aurrekontuaren %21 bideratu da susperraldian dauden taldeen sustapenera.

«Osasun-arloko ikerketa-jarduera areagotzea» izeneko 2. lerroan:

- Baliozko eskaeren kopurua: 7.
- Esleitutako proiektuen kopurua: 4.

«Osasuneko ikerketa estrategikoen sustapena» izeneko 3. lerroan:

- Baliozko eskaeren kopurua: 50.
- Esleitutako proiektuen kopurua: 28.

«Interes bereziko ekintza osagarriak» izeneko 4. lerroan:

- Baliozko eskaeren kopurua: 4.
- Esleitutako proiektuen kopurua: 4.

Esleitutako 55 proiektuetatik 26tan, emakumeak ziren ikertzaile nagusiak (diruz lagundutako proiektuen %47,3), eta aurrekontuaren %44,82 bideratu da emakumeek gidatutako proiektuetara.

Erabilgarri zeuden funtsen %100 exekutatu da.

Hautatutako proiektuek, kalitate zientifiko altua edukitzeaz gain, inpaktu sozial handiko gai biomedikoak edo oro har osasun-arlokoak jorratzen dituzte, eta osasun-sistemaren jarduna nahiz herritarrei ematen zaien arreta hobetzeko xedea dute. Proiektuek honako eremu hauek hartzen dituzte: diagnostikoa eta/edo pronostikoa; gaixotasunen bilakaerari eta/edo kontrolari lotutako faktoreak; hainbat gaixotasunen tratamendu terapeutikoa (neurodegeneratiboak, besteak beste); medikuntza pertsonalizaturako biomarkatzaileak eta teknologiak; gaixotasunen arrisku-faktoreen identifikazioa (ingurumenekoak barne); iragarpene-ereduak; telemonitorizazioari aplikatutako adimen artifiziala; eraginkortasunaren eta kostuaren ebaluazioa, eraginkortasuna, inpaktua edo esku-hartzeen ezarpenaren ebaluazioa; zahartzea; patologiei buruzko hainbat alderdi, hala nola minbizia, gaixotasun arraroak, gaixotasun neurodegeneratiboak, obesitatea eta diabetesa; gailu medikoak; medikuntza birsortzailea eta terapia aurreratuak.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Sortzen ari diren taldeen I+G proiektuen kopurua	5	6
I+G proiektu sanitario integratuen kopurua	2	2
I+G proiektu biomedikoen kopurua	5	7
Osasun-zerbitzuetako ikerketa-proiektuen kopurua	5	4
RIS3 strategiaren esparruan egindako lankidetzako eta garapen teknologikoko proiektuen kopurua	25	28



RIS3 strategiaren esparruko interes bereziko ekintza osagarrien kopurua	3	4
Ikertzaile nagusi emakumezkoak buru dituzten I+D proiektuen gutxieneko ehunekoa	%45	%47,3
Osasunaren eta generoaren inguruko laguntza-arlo berri bat sartzea	BAI	BAI
2020ko diru-laguntzen plan estrategikoan adierazitako adierazleak bete dira.		



1.- Dirulaguntza-programaren izenburua

Droga-mendekotasunen prebentzio komunitarioko talde teknikoak sortzeko eta mantentzeko, adikzioen prebentzio komunitarioko programak garatzeko eta prebentziorako eta arrisku eta kalteen murrizketarako proiektuak, edo ohitura osasungarriak sustatzeko laguntzak

2.- Araua

AGINDUA, 2020ko ekainaren 2ko, Osasuneko sailburuarena, Horren bidez, laguntza ekonomikoen deialdia egiten da talde teknikoak sortu eta mantentzeko, adikzioen prebentzio komunitarioko programak garatzeko eta arrisku eta kalteak prebenitu eta murrizteko proiektuak egiteko, bai eta jarduera-esparru horietan ohitura osasungarriak sustatzeko ere, 2020ko ekitaldian.

3.- Programaren araua, deialdia eta emate-ebazpena (EHAARI Hiperesteka)

Deialdia: EHA, 116. zk., 2020/06/15ekoa

4.- Dirulaguntza-programaren azalpen laburra eta helburuak

Honako hauei emango zaizkien laguntza ekonomikoak:

- EAEko toki-erakundeak, dela Adikzioen prebentzio komunitarioko talde teknikoak sortzeko edo mantentzeko, dela arriskuak eta kalteak prebenitzeko eta murrizteko programak eta esku-hartzeak garatzeko, dela Adikzioen tokiko planetan dauden jokabide osasungarriak sustatzeko. Plan horiek jarduketa egituratu eta koordinatuen multzo ordenatu bat osatzen dute, onartuta egongo dira edo egiteko prozesuan, eta udalerriek banaka edo mankomunitate gisa egin eta garatuko dituzte.
- Irabazi-asmorik gabeko gizarte-ekimeneko erakundeak, Adikzioen ondoriozko arriskuak eta kalteak prebenitzeko eta gutxitzeko proiektuak egiten dituztenak, eta jarduera-eremu horretan ohitura osasungarriak sustatzen dituztenak.

5.- Lortutako emaitzak, aurrekontuaren gauzatzea eta eragina gizartean

- Ekipo teknikoak sortzeko eta mantentzeko lerroa. Kapitulu honen diru-zuzkidura 1.174.135 eurokoa da. Emandako laguntza, guztira, eskabide guztien aurrekontuan jasotakoaren %40,97 da (2.865.403 €). 33 toki-erakundeei eman zaie dirulaguntza:
 - Arabako 3 udal eta Arabako Foru Aldundia
 - Gipuzkoako 10 udal/mankomunitate
 - Bizkaiko 20 udal/mankomunitate
- Adikzioen prebenitzeko komunitarioko programak garatzeko eta ohitura osasungarriak sustatzeko lerroa. Kapitulu honetako diru-zuzkidura 561.765 eurokoa da. Emandako laguntza, guztira, eskabideen aurrekontuan jasotakoaren %20,10 da (2.794.707 €). 39 programa, beste hainbeste toki-erakunderenak (ez da eskaerarik ezetsi):
 - Arabako 2 udal



- Gipuzkoako 16 udal/mankomunitate
- Bizkaiko 21 udal/mankomunitate
- Arrisku eta kalteak prebenitzeko eta murrizteko proiektuak egiteko eta ohitura osasungarriak sustatzeko lerroa. Kapitulu honetako diru-zuzkidura 1.118.500 €-koa izan zen. Emandako laguntza, guztira, eskabide guztien aurrekontuan jasotakoaren %27,48 da (4.069.176,52 euro). 33 entitateak izan dira onuradun, 74 proiektuekin. Entitate batzuek proiektu bat baino gehiago aurkeztu dituzte. Aurkeztutako proiektu guztiek jaso dute diru-laguntza.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emitza</u>
Toki-erakundeei emandako emakiden kopurua:		
II. kapitulua	36	33
III. kapitulua	45	39
Gizarte-ekimeneko erakundeen kopurua (IV. kapitulua)	40	33
Proiektuen kopurua (IV. kapitulua)	65	74



1.- Dirulaguntza-programaren izenburua

EAEn GIB/hiesa, C hepatitis eta sexu bidez transmititzen diren infekzioak (STI) prebenitzeko eta kontrolatzeko jarduerak egiten dituzten irabazi asmorik gabeko eta ekimen sozialeko erakundeei zuzendutako dirulaguntzak

2.- Araua

AGINDUA, 2020ko apirilaren 21ekoa, Osasun sailburuarena; honen bidez, laguntzetarako deia egiten zaie EAEn GIB/hiesa, C hepatitis eta sexu bidez transmititzen diren infekzioak (STI) prebenitzeko eta kontrolatzeko jarduerak egiten dituzten irabazi asmorik gabeko eta ekimen sozialeko erakundeei.

3.- Programaren araua, deialdia eta emate-ebazpena (EHAari Hiperesteka)

Deialdia: EHA, 82. zk., 2020/05/4koa

Emate-ebazpena:

EBAZPENA, 2020ko uztailaren 9koa, Osasuneko sailburuordearena (EHA, 143. zk., 2020/07/22koa)

4.- Dirulaguntza-programaren azalpen laburra eta helburuak

Herri Administrazioek martxan jartzen dituzten ezinbestekoak dira infekzio horren transmisioa prebenitzeko ahalegin bateratu horretan laguntzeko eta birus eramaileen egoera hobetzeko.

Hona hemen laguntza horien jomugan daudenak:

- a) Gizonekin sexua daukaten gizonei zuzendutako proiektuak, kontuan hartuta zenbaterainoko garrantzi epidemiologikoa duen giza-talde horrek gaur egun.
- b) GIBari dagokionez egoera zaurgarrian dauden beste giza-talde batzuei zuzendutako proiektuak; kasurako, etorkinak, drogak bide parenteraletik hartzen dituztenak eta prostituzioan lan egiten dutenak.
- c) GIBaren, CHaren eta STIen infekzioen diagnostiko goiztiarrera bideratutako proiektuak
- d) GIBa duten pertsonen babes psikologikoa eta soziala emateko proiektuak.

5.- Lortutako emaitzak, aurrekontuaren gauzatzea eta eragina gizartean

Hortaz, 300.000,00 €-ko diru-laguntza jaso dute hainbat proiektu eta jarduerak. Horien bitartez, erakundeek behar-beharrezkoa den lana bideratzen dute, Administrazioa ez baita heltzen zenbait giza-talderi babesa ematera eta horiei prebentzioan aurrera egiten laguntzera.

Dirulaguntza guztiaren %36a harreman homosexualak dituzten gizonei zuzendutako proiektuei bideratu da, %18a prostituzioan aritzen diren zuzendutako proiektuei, %12a droga injektatzailei zuzendutakoei, %10a kanpotarrei zuzendutakoei, %12a diagnostiko berantiarra laguntzeko proiektuei eta %12a laguntza emozionala lantzen duten proiektuei.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emitza</u>
Diru laguntza jasotzen duten elkarte kopurua	16	15



1.- Dirulaguntza-programaren izenburua

EAE-n gaixoen kolektiboen eta haien familien bizi-kalitatea hobetzeko jarduerak egiten dituzten eta irabazi-asmorik ez duten ekimen sozialeko elkarteentzako laguntzak

2.- Araua

AGINDUA, 2020ko martxoaren 10ekoa, Osasuneko sailburuarena, zeinaren bidez arautzen baitira EAEko gaixoen eta haien familien kolektiboen bizi-kalitatea hobetzen diharduten irabazi-asmorik gabeko gizarte-ekimeneko elkarteei zuzendutako laguntzak, eta laguntza horietarako deialdia iragartzen.

3.- Programaren araua, deialdia eta emate-ebazpena (EHAARI Hiperesteka)

Deialdia: EHA, 95. zk., 2020/05/20koa

Emate-ebazpena: EBAZPEN, 2020ko irailaren 25ekoa, Osasuneko sailburuordearena (EHA, 201. zk., 2020/10/13koa)

4.- Dirulaguntza-programaren azalpen laburra eta helburuak

Gaixotasunen bat duten pertsona-kolektiboen eta haien familien ongizatea eta bizi-kalitatea hobetzera bideratutako jarduerak finantzatzen laguntzea da diru-laguntzen lerro hauek duten helburu nagusia.

Zehatzago esateko:

- Gaixotasunen bat duten pertsonen kolektiboetara eta haien familiei trebetasunak eta baliabideak garatzen laguntzera bideratutako jarduerak, beren burua zaintzeko ahalmena maximizatzeke eta autonomia areagotzeko.
- Gaixotasunen bat dutenen beharrezko zuzenbideak asetzen laguntzea eta horiek bideratzea, ikuspegi salubrista batetik, osasuna sustatzearen eta helburu komunitarioekin.
- Gaixoei eta haien familiei gaixotasunari buruz, haren arrisku-faktoreei buruz eta bizi-ohitura egokienei buruz duten ezagutzan eta informazioan sakontzea.
- Gaixotasunen bat duten pertsonen berdintasun- eta ekitate-eraketak murriztea osasunean, eta genero-ikuspegia txertatzea.

Gaixoen elkarteak pertsona fisikoen taldeak dira, eta, horietan, patologia bera pairatzen duten pertsonak elkartzen dira. Halako elkarteek honako helburu hauek dituzte: dena delako gaixotasuna eta beraz sendatzeko tratamenduak hobeto ezagutzeko lan egitea, gaixoei elkarri laguntzea, herritarrei gaixotasuna prebenitzeko argibideak ematea eta herritarren ongizatea eta bizi-kalitatea hobetzea.

5.- Lortutako emaitzak, aurrekontuaren gauzatzea eta eragina gizartean

Deialdiaren %100 esleitu zen, 300.000 €ko zenbatekoarekin.

Hainbat patologia-mota dituzten paziente eta familiei zuzendutako jardueretarako diru-laguntzak eman dira.



Hona hemen patologiak:

- Minbizia
- Diabetesa
- Buru- eta portaera-nahasmenduak
- Nerbio-sistemaren eta sistema osteomuskularraren nahasmendua
- Elikadura-nahasmenduak, etab.

Honako hauek izan dira diruz lagundutako jarduera nagusiak:

- Gaixoentzako eta familiartekoentzako autolaguntza- eta babes-taldeak
- Laguntza psikologiko eta soziala, familia-unitateko pertsona guzien bizi-kalitatea handitzeko.
- Talde-terapiak
- Pazienteentzako eta familiartekoentzako prestakuntza-hitzaldiak
- Gaixotasunen informazio eta sentsibilizazioa
- Informazio-gida espezifikoaren prestaketa

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Elkarte subentzionatuak	60	80
Proiektu subentzionatuak	60	80



1.- Dirulaguntza-programaren izenburua

Euskal Autonomia Erkidegoko toki-esparruan osasuna sustatzeko diru-laguntzak

2.- Araua

AGINDUA, 2020ko maiatzaren 19koa, Osasuneko sailburuarena, zeinaren bidez onartzen baitira 2020ko ekitaldiko dirulaguntzak emateko deialdiko oinarriak Euskal Autonomia Erkidegoko tokian tokiko parte-hartze komunitarioko prozesuen esparruan garatzen diren osasuna sustatzeko jarduketak burutzeko

3.- Programaren araua, deialdia eta emate-ebazpena (EHAARI Hiperesteka)

Deialdia: EHAA, 105. zk., 2020/06/1ekoa

Emate-ebazpena:

EBAZPENA, 2020ko urriaren 6koa, Osasuneko sailburuordearena (EHAA, 213. zk., 2020/10/28koa)

4.- Dirulaguntza-programaren azalpen laburra eta helburuak

Laguntza hauen xedea da honako hauek finantzatzea 2020ko ekitaldian:

- a) PKPk sortzera eta/edo dinamizatzen bideratutako jarduketak, osasuna sustatzeko ekintzak eta estrategiak tokian-tokian planifikatu eta garatzeko.
- b) Osasuna sustatzeko jarduketak, zeinek, helburu komunitarioak izanda, komunitatearen beharrezan, asmoei, arazoei edo bere interesekoak diren gaiei erantzuten baitiete eta PKPen esparruan garatzen baitira.

Parte-hartze komunitarioko prozesua, aurrerantzean PKP, egitura inklusibo eta partaidetzazko gisa definitzen da, eta komunitateko hainbat eragile biltzen ditu, hala nola, administrazioak, hainbat esparru edo sektore (hezkuntza, gizartea, osasuna, kultura, ekonomia...) eta herritarrak, gizarte-erakundeak barne, komunitatearen beharrezan, asmoei, arazoei edo bere interesekoak diren gaiei erantzuteko xedearekin.

5.- Lortutako emaitzak, aurrekontuaren gauzatzea eta eragina gizartean

Ez zen deialdiaren %100 esleitu, 292.000 euroko zuzkiduratik 257.835 euroko zenbatekoa esleitu da. Deialdi honetan hainbat aldaketa egin dira: programaren izena, laguntzak lortzeko betebeharrak eta proposatutako objektiboak. Honek, aurkeztutako eskaren eta subentzionatutako proiektuen murrizpena suposatzen du.

Honako hauek izan dira diruz lagundutako jarduerak nagusiak:

- Parte-hartze komunitarioko prozesuen sormena eta/edo dinamizazioa.
- Osasuna sustatzeko ekintzak tokiko parte-hartze prozesuetan priorizatuak.

Laburbilduz, bidalitako memorien ebaluazioan oinarrituz esan daiteke positiboak izan direla diru-laguntza hauek eta beraiei lotutako emaitzak.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emitza</u>
Proiektu subentzionatuak	90	48



1.- Dirulaguntza-programaren izenburua

Euskal Autonomia Erkidegoko ikasleen guraso-elkarteei, ikasle-elkarteei eta unibertsitatez kanpoko ikastetxeen titular diren irakaskuntza-kooperatibei zuzendutako laguntzak, ikasleen artean jarduera fisikoa sustatzeko ekintzak garatzekoak

2.- Araua

AGINDUA, 2020ko irailaren 22koa, Osasuneko sailburuarena, zeinaren bidez arautzen baitira elkarteei eta kooperatibei zuzendutako laguntzak eta egiten baita laguntza horien deialdia, EAeko ikasleen jarduera fisikoa sustatzera eta sedentarismoa murriztera bideratutako partaidetza-proiektuak garatzeko 2020-2021 ikasturtean zehar.

3.- Programaren araua, deialdia eta emate-ebazpena (EHAari Hiperesteka)

Deialdia: EHA, 194. zk., 2020/10/1ekoa

Emate-ebazpena:

EBAZPENA, 2021eko urtarrilaren 4koa, Osasuneko sailburuordearena (EHA, 22. zk., 2021/02/1ekoa)

4.- Dirulaguntza-programaren azalpen laburra eta helburuak

Diru-laguntza honen helburua da toki-eremuko eta osasun-arlokoak ez diren gainerako eremuetako jarduketetan osasuna indartzea.

Laguntza horien helburua da proiektu hauek finantzatzea:

- a) Parte hartzeko proiektuak garatzea eskola-bideak sortu eta dinamizatzeko, hiri-espazioek mugikortasun aktibo eta segururako eskaintzen dituzten aukerak baliatuz.

Eskola-bidetzat joko dira ibilbide zehatz eta finkoak, aurrez ezarriak eta markatuak, eskola-umeek erabil ditzaketenak ikastetxeetako joan-etorriak modu aktiboan (oinez, gurpil-oholez, bizikletaz eta abar), seguruan eta autonomoan egiteko, eta, hala, espazio publikoaren erabilera eta gozamina berreskuratzeko.

- b) Ikastetxeetako jolastokiak dinamizatzen eta/edo, ikaskuntza, jolasa, mugimendua eta kalitatezko harremanak eta esperientziak eraikitzekeko gune inklusiboetan eraldatzera bideratutako parte hartzeko proiektuak garatzea, eskola-orduetan zein horietatik kanpo erabiltzeko, betiere oinarritzat harturik berdintasuna eta aniztasunarekiko errespetua (kultura, etnia, adina, sexua, aniztasun funtzionala, eta abar) eta ikasleei eta haien familien intereseei eta beharrezan egokituak.

Proiektu horiek beharko dute:

- 1) Ikastetxeko ikasle guztien jolas-aukerak, jarduera fisikoa eta elkarbizitza handitu.
- 2) Neskek jarduera fisikoa egitea berariaz sustatu, jarduera ezaren ratioa handiagoa baita kolektibo horretan.



3) Mugimendua eta jolas aktiboa sustatu ikasle helduenen edo bigarren hezkuntzako ikasleen artean, adin-tarte horretako sedentarismorako joera saiheste aldera.

- c) Jarduera fisikoa familian egitea bultzatzera bideratutako jarduerak sustatu, hala nola mendi- edo bizikleta-irteerak, ibilaldiak irristailuetan edo familian egiteko jolas-jarduerak, besteak beste.

5.- Lortutako emaitzak, aurrekontuaren gauzatzea eta eragina gizartean

2020an, eskaerak aurkezteko epea zabaldu zen (85 eskari). 2021eko hasieran esleipen-ebazpena eman zen (21i eman zitzaien laguntza), eta esleitutako kopuruaren %70a ordaindu zen (65.800€).

Honako hauek izan dira diruz lagundutako proiektu nagusiak:

- Proiektuaren dinamizazioa eta koordinazio teknikoa.
- Ikastetxearen inguruan eta jolas-tokian zer mugikortasun dagoen aztertzea.
- Solasaldiak, tailerrak edo komunikazio-kanpainak antolatzea.
- Behar den materiala eskuratzea.
- Mugikortasun aktiboa bultzatzen duten ikastetxeetako espazioak egokitzea.

2020an 2019-2020 ikasturteko deialdia bukatu da, justifikazioak aurkeztu eta esleitutako %30 ordaindu ondoren (28.200€). Bidalitako memorien ebaluazioan oinarrituz esan daiteke positiboak izan direla diru-laguntza hauek eta beraiei lotutako emaitzak.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Proiektu subentzionatuak	30	21



1.- Dirulaguntza-programaren izenburua

2020ko osasun-arloko profesionalak prestatzeko bekak eta laguntzak

2.- Araua

AGINDUA, 2020ko urriaren 6koa, Osasuneko sailburuarena, 2020ko arlo sanitarioko profesionalak prestatzeko bekak eta laguntzak emateko deialdia egiteko dena.

3.- Programaren araua, deialdia eta emate-ebazpena (EHAAri Hiperesteka)

Deialdia: EHAA, 212. zk., 2020/10/27koa

Emate-ebazpena:

EBAZPENA, 2020ko abenduaren 18koa, Osasuneko sailburuordearena (EHAA, 6. zk., 2021/01/12koa)

4.- Dirulaguntza-programaren azalpen laburra eta helburuak

EAEko osasun-arloko profesionalak prestatzeko banakako laguntzak eta bekak ematea. Prestakuntza-jarduerak 2020an hasi behar dira, modalitate hauetakoren batean:

- a) Osasun, Kontsumo eta Gizarte Ongizate Ministerioaren mendeko estatuko unibertsitate-zentroek edo osasun-institutuek edo autonomia-erkidegoen mendeko osasun-eskolek emandako graduondoko ikastaroetara joatea, edo, erakunde horiek eman ez arren, hitzarmen baten ondorioz izaera hori hartzen duten ikastaroetara joatea, baldin eta unibertsitatearen berezko graduondoko titulu bat sortzen badute eta Sailarentzat estrategikoak diren arloetan gaitasun aurreratuak eskuratzera bideratuta badaude.
- b) Atzerriko unibertsitate-zentroetan emandako graduondoko ikastaroetara eta prestakuntza-egonaldietara joatea, aldi mugatu batean, atzerriko osasun-zentroetan edo osasun-ikerketako zentroetan, osasun-zientziekin zerikusia duten arlo guztietan ezagutzak eta trebetasunak areagotzeko banakako prestakuntza-programak egiteko.

5.- Lortutako emaitzak, aurrekontuaren gauzatzea eta eragina gizartean

2020ko ekitaldirako deialdiaren zenbatekoa 108.010 eurokoa izan zen (64.806 euro 2020ko aurrekontuaren kontura eta 43.204 euro 2021erako konpromiso-kredituei zegozkien). Deialdia ebatzi ondoren, 108.010 euro esleitu ziren, aurrekontuan jasotakoa guztira.

Guztira, 29 beka eman dira, aurkeztutako 62 eskabidetatik, guztiak ere Estatuko zentroetan gaitasun aurreratuak eskuratzeko prestakuntza-jarduerak egiteko. Aitzitik, inork ez du eskaerarik aurkeztu atzerriko zentroetan prestakuntza-egonaldiak egiteko.

10 eta 40 modalitateetarako aurreikusitako magnitudeei dagokienez, nabarmen egin dute behera, Covid-19k eragindako osasun-krisiaren ondorioz.



Lurraldearen eta urtearen arabera banaketa honako hau da:

Lurraldea	Onuradunen kop.	2020ko ekitaldia	2021 ekitaldia	Guztira
Araba	4	5.818,47	3.878,98	9.697,45
Bizkaia	20	43.291,54	28.861,03	72.152,57
Gipuzkoa	5	15.695,99	10.463,99	26.159,98
Guztira	29	64.806,00	43.204,00	108.010,00

33 eskaera ukatu dira; horietatik 8 Arabakoak dira, 14 Bizkaikoak eta 11 Gipuzkoakoak. Ukatutako eskabideen artean, 4 eskabidek ez betetzeko hainbat arrazoi dituztela. Bestaldetik, onuradun batek ere ez die uko egin emandako bekei edo/eta dirulaguntzei, eta 7 gora jotzeko errekurtsio jarri dira, oraindik ebatzi gabe daudenak.

Eskatutako laguntzen kopuruak behera egin badu ere, ezin da gizarte-eraginaren edo -onuraren balorazio errealik egin, pandemia-egoeran gaudelako; izan ere, laguntza horiei eusteko dauden murrizketen ondorioz, bertan behera utzi dira aurrez aurreko prestakuntza-jarduerak eta atzerrian egiten direnak.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Atzerriko zentroetan prestakuntza-egonaldiak egiteko emandako beken eta laguntzen kopurua.	10	0
Estatuko zentroetan gaitasun aurreratuak eskuratzeko prestakuntza-jarduerak egiteko emandako beken eta laguntzen kopurua.	40	29
Jasotako prestakuntza lanposturako eraginkorra izan dela uste duten pertsonen ehunekoa.	>75	(*)

(*) Prestakuntza-jarduera 2021ean amaitzen denean baloratuko da (ekaina-iraila)



1.- Dirulaguntza-programaren izenburua

Euskadiko osasun-sistemako langileek agindutako tratamendu medikoak betetzea errazteko 2019. eta 2020. urteetarako laguntzak

2.- Araua

447/2013 DEKRETUA, azaroaren 19koa, Euskadiko Osasun Sistemako langileek agindutako tratamendu medikoak betetzea errazteko laguntzak arautzekoa, 247/2017 Dekretuak, azaroaren 14koa, eta 16/2019 Dekretuak, otsailaren 5koa aldatuta.

AGINDUA, 2020ko ekainaren 1ekoa, Osasuneko sailburuarena, agindutako tratamendu medikoak betetzea errazteko 2019ko eta 2020ko laguntzak emateko deialdia egiten duena.

3.- Programaren araua, deialdia eta emate-ebazpena (EHAAri Hiperresteka)

Araudiak:

447/2013 DEKRETUA, azaroaren 19koa ([EHAA, 227. zk., 2013/11/28koa](#))

247/2017 DEKRETUA, azaroaren 14koa ([EHAA, 220. zk., 2017/11/17koa](#))

16/2019 DEKRETUA, otsailaren 5koa ([EHAA, 29. zk., 2019/02/11koa](#))

Deialdia:

AGINDUA, 2020ko ekainaren 1ekoa, Osasuneko sailburuarena ([EHAA, 116. zk., 2020/06/15koa](#))

Emate-ebazpena:

<https://www.euskadi.eus/informazioa/agindutako-tratamendu-medikuei-atxikidura-errazteko-laguntzak-2020ko-deialdia/web01-a2inform/eu/>

4.- Dirulaguntza-programaren azalpen laburra eta helburuak

Diru-laguntza programa honen helburua da gaixotasun- eta behar-egoera objektiboan dauden pertsonen Euskadiko Osasun Sistemako langileek agindutako tratamendu medikoak bete ditzaten erraztea.

Agindutako tratamendu mediko bati atxikitzearen ondorioz ordaindu diren zenbatekoak ordainduko dira, finantzaketa publikoa behar duten tratamendu farmakologikoei, produktu dietetikoei eta efektu eta osagarriei dagokienez.

Deialdi honetako laguntzen subjektuak dira gaixotasun- eta premia-egoera objektiboan dauden pertsonak, baldin eta betetzen badituzte hurrengo baldintzak:

- Osasunaren babeserako eta osasun-arretarako eskubidearen titularrak, baldin eta Gizarte Segurantzako pentsiodunak badira eta urtean 18.000 eurotik beherako diru-sarrerak badituzte, eta Euskadiko Osasun Sistema bermatzaile gisa duten banako osasun-txartelaren titularrak badira.



- Osasunaren babeserako eta osasun-arretarako eskubidearen titularrek, baldin eta legezko langabezia-egoeran badaude, urtean 18.000 eurotik beherako diru-sarrerak badituzte eta Euskadiko Osasun Sistema bermatzaile gisa duten banako osasun-txartelaren titularrak badira.
- Osasunaren babeserako eta osasun-arretarako eskubidearen titularrak, baldin eta diru-sarrerak bermatzeko errenta jasotzen badute laneko diru-sarreraren errenta osagarriaren modalitatean, eta Euskadiko Osasun Sistema bermatzaile gisa duten banako osasun-txartelaren titularrak badira.
- Aurreko hiru ataletan aipatutako osasun-babeserako eta -arretarako eskubidearen titularren onuradunak, Euskadiko Osasun Sistema bermatzaile gisa duten banako osasun-txartelaren titularrak badira.
- Espainian erregistratuta ez dauden eta egoiliar gisa baimenik ez duten atzerritarrak, Espainiako nazionalitatea duten pertsonen baldintza berberetan osasun-babeserako eta osasun-arretarako eskubidea dutenak, eta eskubide hori aitortzen duen Euskal Autonomia Erkidegoak emandako egiaztagiria dutenak.

5.- Lortutako emaitzak, aurrekontuaren gauzatzea eta eragina gizartean

Pandemiaren ondorioek eta epeak laburtzeak eskatzaile potentzialek atzera egitea eragin zuten osasun-zentroetara eskaerak entregatzera sartu behar izan zutenean. Ondorioz, 2020ko deialdian aurkeztutako eskaeren kopurua 2019koa baino nabarmen txikiagoa izan da. Zehazki, 60.378 eskaera aurkeztu dira, hau da, aurreko deialdian baino %30 gutxiago.

2021eko martxoaren 30ean, EAEko herritarrek aurkeztutako eskaeren %100 kudeatu dira. Egun horretan, 2020ko irailaren 30a baino lehen aurkeztutako eskaerak ebatzi dira, Lanbideri kontsultarik egin behar izan ez diotenak; hau da, 45.076 eskaera ebatzi dira, eta %92,4k aldeko ebazpena eman dute, eta %7,6k kontrakoa.

2020ko ekitaldiko aurrekontua gauzatzeari dagokionez, 2019ko deialdiaren bigarren epeko ordainketak eta 2020ko deialdiaren lehen epekoak barne, 4.086.132,06 euroko obligazioak aitortu dira; hau da, aurrekontu eguneratuaren %58,3 eta baimendutakoaren %97,7.

Uste da 2020ko deialdiaren aldeko ebazpenek aukera emango dutela, alde batetik, gaixotasun- eta behar-egoeran dauden 54.300 pertsona inguruk Euskadiko Osasun Sistemako langileek agindutako tratamendu medikoarekiko atxikidura mantendu ahal izateko, eta, bestetik, agindutako tratamendu medikoak ez jarraitzearen ondoriozko ondorio negatiboak ekidin ahal izateko, tratamendu horien balorazio positiboa irizpide ekonomikoei ez ezik, beste irizpide mota batzuei ere erreparatuz, hala nola, gizarte-ongizateari, horrek duen eragin positiboari, gizarte-ongizateari eta abarri dagokienez.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Aurreikusitako eskaeren kopurua	200.000	60.378